



格言集要

姬佛陀題



敘

竊聞覺世牖民。端賴教育。教育精神。全在經書。夫經書者。諸大聖哲所立之嘉言也。而格言者。尤嘉言中之最嘉者也。語云。家有黃金不算富。耳無好話始爲貧。旨哉斯言。正爲暴棄經書嘉言者。痛下針砭。惜乎。古今中外。諸大聖哲。所著之經書無量。經書之格言亦無量。奈斯人之不讀何。諦觀舉凡男女。讀經者無幾。明道者有誰。或有十一之學讀者。甫展卷。非畏其措辭太繁。卽厭其文意深奧。觀海無涯。望洋而返。遂置諸高閣。經年累歲。蛛結塵封。無復問津者矣。豈不負我諸大聖哲立言之苦心者乎。鄙人鑒此。於冗忙中。復將生平所讀經書之嘉言。擇諸有關於世道人心者。編輯十數卷。共成一帙。名曰格言集要。希供諸農工牧樵。便於講讀。易於誌想。或於白雲隴上。輟耕而吟。或坐黃菊籬邊。罷漑而讀。螢窗雪案。尤易用心。驅犢負薪。不難入目。誦畢一章。獲一章之學問。了明一句。獲一句之利益。卽碩學大儒。亦何妨三復斯言。觀已讀書。如逢故人也。愚編此集。不過錄愚所知。愚所不知者。故闕之。以待四海同志。續之。玉成完璧。但此集。每卷中間。取諸四書。嘉言成句。或增減原文。促成韻語。志期好學童蒙。倘樂順口成韻。隨

時取讀。口誦心維。久久自獲。句中實義。亦得略窺孔孟門牆。於我國教育。或有小補。愚亦不爲歲月虛度於斯世者耶。

中華民國十九年端陽節蓬萊烟霞子敘於艾峯之松蔭下

格言集要卷一 三字共三百三十六句

蓬萊烟霞子編輯

太虛空。無邊際。窮其極。難思議。混沌開。世界立。諸星球。名天地。地實質。天空氣。陰陽交。產品彙。者萬物。人獨靈。稟良知。具良能。體道德。勵修行。功程到。聖賢同。棄暴者。淪禽獸。千萬年。遺腥臭。念將起。如對神。勿自欺。須至誠。惡念頭。要去盡。善念頭。要常存。遵八德。盡五倫。學武聖。覺世經。敬天地。禮神明。奉祖先。孝雙親。守國法。重師尊。愛兄弟。信友朋。睦宗族。和鄉鄰。別夫婦。教子孫。爲幼童。勤學習。親師友。習禮儀。朝起早。夜眠遲。老易至。惜此時。三更火。五更鷄。正男兒。立志時。多讀書。少說話。量要寬。志要大。要無悶。安本分。要無愁。莫妄求。多借債。窮的快。戒煙酒。自富有。好賭者。家必敗。好色者。身必瘵。身有傷。貽親憂。德有傷。貽親羞。氣忌盛。志忌滿。才忌露。過忌掩。謙受益。滿招損。德不孤。必有鄰。天作孽。猶可違。自作孽。不可活。仁則榮。不仁辱。既惡辱。又不仁。猶惡濕。偏居下。仁非遠。良心是。我欲仁。斯仁至。道在邇。求諸遠。事在易。求諸難。體孝弟。卽行道。萬善本。原是孝。朝聞道。夕死可。毋意必。毋固我。言顧行。行顧言。主忠信。卽聖賢。言忠信。行篤敬。蠻貊邦。都可行。言不信。行不敬。雖州里。行不能。訥於言。敏於行。先行言。而後從。不遷怒。不貳過。

惟顏子稱好學。己欲立而立人。己欲達而達人。志於道。據於德。依於仁。游於藝。君子貴道者三。動容貌。遠暴慢。正顏色。斯近信。出辭氣。遠鄙倍。有若無。實若虛。犯不校。心如如。興於詩。立於禮。成於樂。神於易。居處恭。執事敬。與人忠。自沉重。勿諂富。勿驕貧。不欺心。不媚神。放鄭聲。遠佞人。鄭聲淫。佞人殆。惡鄭聲。亂雅樂。惡佞口。覆邦家。躬自厚。薄責人。怨自遠。尤自泯。眼見者。尚非實。耳聞事。多屬虛。衆好之。必察焉。衆惡之。必察焉。爲君子。有九思。視思明。聽思聰。色思溫。貌思恭。言思忠。事思敬。疑思問。忿思難。見得時。須思義。祭思敬。喪思哀。此二思。天性該。爲君子。有三畏。畏天命。畏大人。畏聖人之言論。益三友。損三友。友正直。拒偏謬。友諒實。絕隘苟。友多聞。是益友。友便僻。友善柔。友便佞。是損友。益樂三。損樂三。節禮樂。道人善。多賢友。三益焉。樂驕樂。樂佚遊。樂宴樂。損福壽。不知命。非君子。不知禮。無以立。知命者。不怨天。克己者。不尤人。湯盤銘。苟日新。日日新。又日新。康誥曰。作新民。周舊邦。命維新。學聖賢。人皆能。雖堯舜。與人同。舜何人。予何人。彼丈夫。我丈夫。有爲者。亦若是。上無學。下無禮。賊民興。喪無日。世道衰。邪說生。弑君父。多暴行。孔子憂。作春秋。亂臣懼。德始修。惠迪吉。從逆凶。惟影響。載書經。曲禮言。毋不敬。儼若思。

安定辭。自誠明。謂之性。自明誠。謂之教。誠則明。明則誠。誠動物。明修身。通權者。時之聖。執一者。道之賊。說好話。存好心。做好事。學好人。內睦者。家道昌。外和者。人事祥。便宜話。不可說。刻薄事。不可行。機變人。不可近。逸樂處。不可去。將入門。問誰存。將上堂。聲必揚。將入戶。視必下。不苟笑。勿噉聲。毋勦說。毋雷同。不登高。不臨深。執爾顏。正爾容。足容重。手容恭。目容端。口容止。聲容正。頭容直。氣容肅。立容德。色容莊。九容則。坐勿箕。立勿跛。坐如尸。立如齋。食不語。寢不言。寢不尸。居不容。

格言集要卷二 四字一千三百一十八句

太上立言。因果感應。修身君子。須要體行。禍福無門。惟人自召。善惡之報。如影隨形。是道則進。非道則退。不履邪徑。不欺暗室。積德立功。慈心於物。忠孝友悌。正己化人。矜孤恤寡。敬老懷幼。昆虫草木。猶不可傷。憫人之凶。樂人之善。濟人之急。救人之危。見人之得。如己之得。見人之失。如己之失。不彰人短。不炫己長。遏惡揚善。推多取少。受辱不怨。受寵若驚。恩不求報。與人不迫。所謂善人。天道佑之。福祿隨之。衆邪遠之。神靈衛之。所作必成。神仙可冀。果證蓬瀛。欲求天仙。立善三千。欲求地仙。立善三百。

須行武聖。覺世真經。救難濟急。恤孤憐貧。創修廟宇。印造經文。捨藥施茶。戒殺放生。造橋修路。矜寡拔困。重粟惜福。排難解紛。捐貲成美。垂訓教人。冤仇消釋。斗秤公平。親近有德。遠避凶人。容人之過。利物救民。回心向道。改過自新。廣行三教。報答四恩。滿腔仁慈。惡念不存。時行方便。廣積陰功。諸惡莫作。衆善奉行。人雖不見。神已早聞。加福增壽。添子益孫。災消病滅。禍患不侵。人物咸寧。吉星照臨。千祥雲集。百福並臻。近報在身。遠報兒孫。福善禍淫。絲毫不紊。儒教經典。莫若四書。孔曾思孟。歷代帝師。學而時習。求其放心。道悟禪悅。得意忘言。良朋益友。自遠方來。英才濟濟。快哉樂哉。人或不知。而不惱慍。成德君子。避世无悶。巧言令色。鮮有仁心。剛毅木訥。近乎其仁。曾子一日三省其身。爲人謀事。或有不忠。與朋友交。或有不信。師傳道理。或末習溫道。千乘國。敬事而信。節用愛人。使民以時。爲人弟子。入孝出弟。作事謹慎。說話信實。汎愛人衆。親近仁德。行有餘力。則學文藝。禮樂射御。書數等事。子夏演說。忠孝節義。賢賢易色。事親竭力。事君致身。鞠躬盡瘁。與朋友交。言要信實。雖曰未學。吾謂學矣。君子不重。則不威儀。所學道理。則不固矣。禮之作用。和平爲貴。先玉之道。以斯爲美。

小事大事。實共由之。有所不行。知和而和。不以禮節。亦不可行。惟此禮教。萬不可失。有禮則安。無禮則危。行住坐臥。都有定例。正其衣冠。尊其瞻視。周旋中規。折旋中矩。行不中道。立不中門。居不主奧。坐不中席。耳無傾聽。目無淫視。口無妄言。身無妄爲。傲不可長。長傲不弟。欲不可縱。縱欲敗德。志不可滿。志滿學廢。樂不可極。樂極生悲。凡與客入。每門讓客。與長者言。不及毋僂。女不言外。男不言內。非祭非喪。非相授器。勿發人私。勿訐人短。訐人私短。大禍難免。信近與義。言可復也。恭近與禮。遠恥辱也。因不失親。亦可宗也。爲學君子。須要心專。食無求飽。居無求安。敏勉於事。而慎於言。就有道者。而考正焉。可說他是好學奇男子。貢他問。處貧富道。貧而無諂。富而無驕。其人何如。子曰可矣。未若樂貧。富而好禮。子貢觸通。想到詩經。治骨角者。如切如磋。治玉石者。如琢如磨。精益求精。學復求學。詩中意思。就是這個。子曰賜也。可與言詩。告諸已往。而知來者。道之以政。齊之以刑。民免法網。而無恥心。道之以德。齊之以禮。民心有恥。且能改格。吾十有五。而志於學。三十而立。四十不惑。五十知命。六十耳順。七十從心。所欲合矩。至德要道。無非行孝。大仁大義。不外孝弟。修身慎行。恐辱先也。

宗廟致敬。鬼神著矣。孝弟之至。通於神明。光於四海。無所不通。善事親者。居上不驕。爲下不亂。在醜不爭。教民親愛。莫善於孝。教民禮順。莫善於弟。移風易俗。莫善於樂。安上治民。莫善於禮。武伯問孝。夫子答道。爲父母心。望子學好。惟獨憂他。吃喝賭嫖。諸疾有一。父母憂躁。喪德敗家。眞個不孝。世俗所謂。不孝者五。只圖己樂。不顧父母。惰其四肢。博弈飲酒。好積貨財。私其妻子。縱耳目欲。爲父母戮。好勇鬪狠。以危父母。等等疾病。貽父母憂。有一不除。名忤逆子。子游問孝。夫子說道。今之孝者。是謂能養。至於犬馬。皆能有養。不恭不敬。何分兩樣。子夏問孝。子曰。色難。有事弟子。服其勞焉。有了酒食。與先生饌。色不和悅。豈爲孝焉。事親養志。守身敬事。和氣怡聲。婉容愉色。父母愛之。喜而不忘。父母惡之。勞而不怨。視其所以。觀其所由。察其所安。人焉廋哉。居上不寬。爲禮不敬。臨喪不哀。吾何觀哉。永言配命。自求多福。慎終追遠。民德歸厚。見賢思齊。聞善則拜。言之不出。恥躬不逮。溫故知新。可以爲師。攻乎異端。斯害也已。人生於世。須學聖賢。講學修德。改過遷善。學而不厭。誨人不倦。不憤不啓。不悱不發。敏而好學。不恥下問。三人同行。必有我師。善者從之。不善改之。篤信好學。守死善道。

學如不及。猶恐失之。十室之邑。必有忠信。如丘者焉。奈彼虛混。飽食終日。無所用心。不如丘之好學勤問。不學無術。不問則愚。好仁不學。其蔽也愚。好知不學。其蔽也蕩。好信不學。其蔽也賊。好直不學。其蔽也絞。好勇不學。其蔽也亂。好剛不學。其蔽也狂。小子何莫學。夫詩經。詩可以興。詩可以觀。詩可以羣。詩可以怨。邇之事父。遠之事君。多識鳥獸草木之名。生知者上。學知者次。困而學之。又其次也。困而不學。民斯爲下。好問則裕。自用者小。君子修身。恐懼戒省。夙興夜寐。戰戰兢兢。如臨深淵。如履薄冰。好勇疾貧。亂世之漢。人而不仁。疾甚則亂。危邦不入。亂邦不居。有道則見。無道則隱。不在其位。不謀其政。矜而不爭。羣而不黨。知者不惑。仁者不憂。勇者不懼。儉者不求。顏淵問仁。克己復禮。一日克己。天下歸仁。爲仁由己。而由人乎。請問其目。夫子說明。非禮勿視。非禮勿聽。非禮勿言。非禮勿動。回雖不敏。請事斯語。仲弓學仁。行恕主敬。一出其門。如見大賓。使役庶民。如承大祭。人所同好。勿私於己。己所不欲。勿施於人。內省不疚。何憂何懼。死生有命。富貴在天。四海之內。皆兄弟也。居之無倦。行之以忠。博學於文。約之以禮。康子問政。於孔夫子。孔子對曰。政者正也。子帥以政。孰敢不正。

患盜又問。孔子對曰。苟子不欲。雖賞不竊。聖賢功夫。持志養氣。殺身成仁。舍生取義。達人知命。君子安貧。爲仁不富。爲富不仁。羣居終日。言不及義。好行小慧。難入道德。義以爲質。禮以行之。孫以出之。信以成之。君子居喪。食旨不甘。聞樂不樂。居處不安。宗族稱孝。鄉黨稱弟。存心不苟。行己有恥。人格如此。可參理事。禹稷躬稼。舜耕歷山。樊遲學圃。都是聖賢。見利思義。見危授命。以直報怨。以德報德。君子所守。大戒有三。方少之時。血氣未定。戒之在色。及其壯也。血氣方剛。戒之在鬪。及其老也。血氣既衰。戒之在得。無論老幼。各界男女。當戒烟酒。人能弘道。非道弘人。過而不改。是爲過矣。巧言亂德。佞口覆邦。妄言綺語。於德有傷。執德不弘。信道不篤。焉能爲有。焉能爲亡。朕躬有罪。無以萬方。萬方有罪。罪在朕躬。雖有周親。不如仁人。百姓有過。在予一人。何謂五美。惠而不費。勞而不怨。欲而不貪。泰而不驕。威而不猛。大學之道。在明明德。在親其民。在止至善。古之聖賢。欲明明德於天下者。先治其國。欲治其國。先齊其家。欲齊其家。先修其身。欲修其身。先正其心。欲正其心。先誠其意。欲誠其意。先致其知。欲致此知。在格其物。天子庶人。修身爲本。本亂末治。今古未聞。所謂誠意。切毋自欺。

如惡惡臭。如好好色。此謂自謙。必慎其獨。十目所視。十手所指。神明在在。其嚴如斯。是故君子。必誠其意。所謂修身。在正其心。有所忿懣。則不得正。有所恐懼。則不得正。有所好樂。則不得正。有所憂患。則不得正。心不在焉。視而不見。聽而不聞。食不知味。此謂修身。在正其心。一家能仁。一國興仁。一家能讓。一國興讓。一人貪戾。一國作亂。其機如此。速如傳電。一言僨事。一人定國。所惡於上。毋以使下。所惡於下。毋以事上。所惡於前。毋以先後。所惡於後。毋以從前。所惡於左。毋以交右。所惡於右。毋以交左。此之所謂。絜矩之道。欲平天下。在治其國。上能老老。而民興孝。上能長長。而民興弟。上能恤孤。而民不倍。是以君子。有絜矩道。樂只君子。爲民父母。民之所好。爲民好之。民之所惡。爲民惡之。此之所謂。民之父母。人之有技。若己有之。人之彥聖。其心好之。言悖而出。亦悖而入。貨悖而入。亦悖而出。財聚民散。財散民聚。生財有道。則財恆足。生之者衆。食之者寡。爲之者疾。用之者舒。以義爲利。以善爲寶。天命謂性。萬物所宗。率性謂道。由仁義行。修道謂教。禮法裁成。夫道也者。暫不可離。若是可離。便非道德。是故君子。誠意正心。戒慎不覩。恐懼不聞。幾念纔動。鬼神早知。莫見乎隱。莫顯乎微。

是故君子慎獨勿欺。七情未發。是謂之中。發皆中節。是謂之和。中者大本。和者達道。惟有聖德。能致中和。常持其志。天地位焉。勿暴其氣。萬物育焉。道之不明。我知之矣。智者過之。愚者不及。道之不行。我知之矣。賢者過之。不肖不及。故大德者。定獲天佑。必得其位。必得其祿。必得其名。必得其壽。天之生物。因材而篤。故栽者培。故傾者覆。仁者人也。親親爲大。義者宜也。尊賢爲大。去讒遠色。賤貨貴德。所以勸賢。以身作則。博學審問。慎思明辨。躬身篤行。是爲實踐。人一己百。人十己千。雖愚必明。雖柔必強。苟不至德。至道不凝。繼天立極。待人後行。居上不驕。爲下不倍。既明且哲。以保其身。親親仁也。尊賢義也。達之天下。卽孝弟也。晉楚之富。不可及也。彼以其富。我以吾仁。彼以其爵。我以吾義。吾心何慊。彼心何累。出入相友。守望相助。疾病扶持。百姓親睦。有王者起。必來取法。聖人復起。必從吾言。國家興亡。匹夫有責。天敍有典。天秩有禮。邪說誣民。充塞仁義。孔孟道興。楊墨教息。是以惟仁。宜在高位。不仁位高。播惡於衆。上無道揆。下無法守。朝不信道。工不信度。君子犯義。小人犯刑。國之能存。暫時倣倖。國之所以興廢存亡。其道有二。仁與不仁。暴其民甚。身弑國亡。暴之不甚。身危國削。

身後諡號。名之幽厲。孝子慈孫。百世難改。天子不仁。不保四海。諸侯不仁。不保社稷。大夫不仁。不保宗廟。士庶不仁。不保四體。今惡死亡。而樂不仁。是猶惡醉。而強飲酒。國君好仁。天下無敵。雖欲無王。不可得已。人必自侮。而後人侮。家必自毀。而後人毀。國必自伐。而後人伐。愛人不親。則反其仁。治人不治。則反其智。禮人不答。則反其敬。行有不得。皆反諸身。其身者正。天下歸之。民之歸仁。猶水就下。不志於仁。終身憂辱。不仁之至。陷於死亡。不明乎善。不誠其身。聲聞過情。君子恥之。事孰爲大。事親爲大。守孰爲大。守身爲大。君子異人。以其存心。以仁存心。以禮存心。仁者愛人。禮者敬人。愛人人愛。敬人人敬。天下一家。萬物一性。以善服人。人未能服。以善養人。能服天下。人異禽獸。相差幾希。庶民去之。君子存之。舜明庶物。察於人倫。由仁義行。非行仁義。禹惡旨酒。而好善言。文王視民。如受傷殘。人性本善。有何証見。乃若其情。則可爲善。夫爲不善。非才之罪。良心只爲私欲所蔽。惻隱之心。人皆有之。羞惡之心。人皆有之。恭敬之心。人皆有之。是非之心。人皆有之。惻隱仁端。羞惡義端。恭敬禮端。是非智端。仁義禮智。非由外鑠。我固有之。弗思耳矣。求則得之。舍則失之。是求於我。無邊利益。

天生蒸民。有物有則。民之秉彝。好是懿德。爲此詩者。其知道乎。孟夫子說。有天爵者。有人爵者。仁義忠信。樂善不倦。此天爵也。公卿大夫。此人爵也。修其天爵。人爵從之。保民而王。仁者無敵。以德服人。中心悅服。以力服人。口服心不。既醉以酒。既飽以德。飽乎仁義。勝膏粱味。令譽施身。勝衣文繡。仁勝不仁。猶水勝火。杯水車薪。亦不能克。盡心知性。則知天命。存心養性。所以事天。殀壽不貳。修身以俟。所以立命。惟聖知此。行之不著。習矣不察。終身由之。都不知道。萬物皆備。我的性天。反身而誠。樂莫大焉。莫非命也。順受其正。強恕而行。求仁莫近。恥之於人。莫大關係。爲機變巧。無所用恥。古之賢王。好善忘勢。古之賢士。何獨不然。尊德樂義。是爲囂囂。窮不失義。達不離道。修天德者。性與天親。寶珠玉者。殃必及身。修之於身。其德乃真。天道無親。常與善人。積善之家。必有餘慶。積惡之家。必有餘殃。知者不言。言者不知。天網恢恢。疏而不失。律已要嚴。待人要寬。殺人一萬。自損八千。養子不教。如養虎狼。養女不教。如養猪羊。人莫知其。兒女之惡。又莫知其。田苗之碩。一語周旋。冰消瓦解。片言挑撥。火發煙生。病從口入。禍從口出。勿謂勿傷。其禍將長。勿謂勿害。其禍將大。羣居守口。獨坐防心。

萬言萬當。不如一默。百戰百勝。不如一忍。持盈防益。居高思危。細行不檢。大節有虧。讓是福緣。爭是禍因。謙是善本。傲是惡根。孝弟信忠。組國四經。四經反正。庶民立興。禮義廉恥。織國四緯。四緯安平。天下大治。恥之於人。關係甚大。人而無恥。動物最下。大富由命。小富由勤。勤能補拙。儉能醫貧。欲人勿聞。莫若勿言。欲人無知。莫若勿爲。善無人知。是爲陰德。名過其實。必有奇禍。爲善最樂。讀書便佳。知足常樂。能忍自安。自知者明。自勝者強。當阨之施。甘如時雨。傷心之語。毒如陰冰。廣種福田。以散爲聚。忽難堪事。恕不明人。見人不是。諸惡之根。見己不是。萬善之門。何以息謗。一切不辨。何以止怨。一切不爭。忍則無辱。貪則多憂。儉則常足。奢則常求。人雖至愚。責人則明。雖至聰明。怨己則昏。安祥處世。涵容待人。洒脫養德。謙退保身。非分之財。必有後災。非分得福。轉成禍胎。爭之不足。讓之有餘。偷字不倫。貪字似貧。大方無隅。大器晚成。大音希聲。大象無形。當局者迷。旁觀者清。厚藏誨盜。冶容誨淫。不貪不求。無爵而貴。知止知足。不盈而富。敗家子弟。用金如糞。成家子弟。積糞如金。施惠無念。受恩莫忘。利物利人。修善修福。勿宰耕牛。勿棄字紙。怒是猛虎。慾是深淵。懲忿窒慾。涵養性天。

一念疏忽。是錯起頭。一念決裂。是錯到底。心不放肆。身無過惡。心不怠忽。身無差錯。處逆境心。用開拓法。處順境心。用收斂法。謹小慎微。萬勿一失。輕舉妄動。百事無成。性燥心急。好事辦毀。心粗氣浮。業難精熟。物忌全勝。事忌全美。心平氣和。無事不妥。位高身危。財多命殆。年年防飢。夜夜防賊。良田千頃。日食二升。大廈萬間。夜眠八尺。一毫之善。與人方便。一毫之惡。勸人莫作。饒人是福。虧人是禍。天道至公。報應不錯。立身之道。內剛外柔。處家之法。上遜下穆。氣不宜生。色不可苟。遠非義財。戒無恥酒。揚人之過。發人之私。計人之短。論人之非。笑人貧賤。妬人能技。有一於此。損德之基。但行好事。莫問前程。冬去冰泮。春來草生。害人自害。善人自善。與人方便。自己方便。犯毒莫吃。犯法莫做。人身似鐵。官法如爐。諫之雙美。毀之兩傷。讚歎福生。左念禍生。得榮思辱。得安思危。事要三思。免勞後悔。凡事從實。積福自厚。無功受祿。寢食不安。言多語失。食多傷心。禮下於人。必有所求。順天者存。逆天者亡。得人一牛。還人一馬。老實常在。脫空常敗。寸心不昧。萬法皆明。暗中施舍。暗裏填還。人間私語。天聞若雷。暗室虧心。神目如電。不邇聲色。不殖貨利。請業則起。請益則起。以義制事。以禮制心。

男女有別。授受不親。人世善惡。傳染者多。近朱者赤。近墨者黑。居擇善鄰。交擇良友。引醇若酸。那得好酒。蓬生麻裏。不扶自直。白沙在泥。與之俱黑。君子所尙。世俗所羞。世俗所貴。君子所賤。死於安樂。生於憂患。節食去病。寡慾延年。往古來今。孰無此心。心爲形役。乃獸乃禽。操之則存。舍之則亡。出入無時。莫知其鄉。敬以直內。義以防外。敬義若立。而德不孤。天君泰然。百體從令。相在爾室。不愧屋漏。溫溫恭人。惟德之基。抑抑威儀。維德之隅。清心寡慾。不服四物。省事休嗔。不服四君。波靡之中。難言品行。勢利之內。豈有聖賢。勿謂不聞。神將伺人。勿謂不見。神目如電。爲善不同。同歸於治。爲惡不同。同歸於亂。大嚼多噎。大走多跌。一爭兩醜。一讓兩有。貴而能下。則人不憎。富而有節。則財不匱。仁以恤衆。慎以防奸。勤以修業。儉以養廉。心地可發。陰地從之。天理不昧。地理成之。妻子好合。兄弟既翕。父母安樂。諸事順遂。夫妻反目。兄弟鬩牆。父母憂慮。家道不祥。家人之道。利在女貞。成家之道。要在正身。牝雞司晨。惟家之索。禮以正俗。讓以息爭。人存政存。法立蔽生。臥薪嘗胆。國恥莫忘。偷盜不富。戀債貧窮。擇交求益。改過全身。大道之行。天下爲公。講信修睦。選賢與能。故人不獨。自親其親。

故亦不獨。自子其子。使其世界。老有所終。壯有所用。幼有所長。矜寡孤獨。與廢疾者。皆有所養。老者安之。少者懷之。朋友信之。男有其分。女有所歸。人盡其材。地盡其利。大公無私。不必爲己。謀閉不興。盜賊不作。外戶不閉。是爲大同。

格言集要卷三 五字四百七十二句

有人來問卜。如何是禍福。我虧人是禍。人虧我是福。貴自勤中得。富從儉裏求。勤開財之源。儉節財之流。勤而不知儉。鍋漏水難留。儉而不知勤。石田禾難收。勤爲無價寶。慎是護身符。奢者富不足。儉者貧有餘。奢者心常貧。儉者心常富。物非義莫取。念非善莫舉。以愛妻子心。事親則盡孝。以保富貴心。爲國則盡忠。以責人之心。責己則寡過。以恕己之心。恕人則全交。人怕不是福。人欺不是辱。天相是真福。天罰是真苦。來說是非者。便是是非人。是非家家有。不聽自然無。君子尊信義。小人尙詐力。忍難忍之事。恕不明之人。身家忍處保。衣食勤中生。口開神氣散。舌動是非生。言人之不善。當如後患何。自己難過處。只消一個忍。見人不是處。只消一個容。有容德乃大。無求品自高。待人三自反。處世兩如何。

推人與扶人。都是一般手。讚人與陷人。都是一般口。寧使扶人手。莫開陷人口。吃虧是便宜。退步爲好漢。君子有三畏。小人無忌憚。待有餘濟人。必無濟人日。待有暇讀書。必無讀書時。雀啄復四顧。燕寢無二心。量大福亦大。機深禍也深。自生民以來。惟有孔聖人。至德配天地。大道貫古今。飯疏食飲水。曲肱而枕之。樂亦在其中。復見天心時。不義之富貴。與我如浮雲。君子篤於親。則民興於仁。質直而好義。察言而觀色。不以言舉人。不以人廢言。舉直錯諸枉。能使枉者直。君子疾沒世。而名不稱實。尊賢而容衆。嘉善矜不能。人倫明於上。小民親於下。人之有道也。飽食而煖衣。逸居而無教。則近於禽獸。聖人有憂之。使契爲司徒。教之以人倫。百姓始就序。父子有親愛。君臣有義氣。夫婦有分別。長幼有次序。朋友有信實。五倫始完備。富貴不能淫。貧賤不能移。威武不能屈。此謂大丈夫。恭者不侮人。儉者不奪人。有不虞之譽。有求全之毀。中也養不中。才也養不才。人性之善也。猶水之就下。人無有不善。水無有不下。或有不善者。皆爲物欲蔽。貧而無怨難。富而無驕易。博學而篤志。切問而近思。仕而優則學。學而優則仕。

日知其所亡。月無忘所能。人心不似古。世道日趨下。古之狂也肆。今之狂也蕩。古之矜也廉。今之矜也戾。古之愚也直。今之愚也許。君子亦有惡。與小人相反。惡稱人之惡。惡下流上訕。惡勇而無禮。惡果敢而窒。賜亦有所惡。惡微以爲智。惡訐以爲直。惡不遜爲勇。君子有諸己。而後求諸人。行有不得者。皆反求諸身。見善如不及。見惡如探湯。其言之不忤。則爲之也難。好人之所惡。惡人之所好。是爲拂人性。災必逮夫身。德本財是末。君子先慎德。有德此有人。有人此有土。有土此有財。有財此有用。外本而內末。爭民施劫奪。人莫不飲食。鮮能知其味。人皆曰予智。反被聰明誤。驅納陷阱中。而莫之知避。素其位而行。不願乎其外。處世能隨緣。無入不自得。萬惡淫爲首。百善孝當先。養生不足言。送死當大事。事死如事生。事亡如事存。孝乃天之經。又爲地之義。天下與國家。明王以孝治。生則親安之。祭則鬼享之。禍亂自不作。災害自不生。以孝治天下。世界永和平。孝子之事親。居則致其敬。養則致其樂。病則致其憂。喪則致其哀。祭則致其誠。五者能全備。然後能事親。君子之所爲。衆人固不識。小人爲不善。人見其肺肝。

輕訥者寡信。多易必多難。辱生於多求。禍生於多貪。樂生於寡欲。德生於寡言。好學近乎智。力行近乎仁。知恥近乎勇。天下三大德。伯夷聖之清。柳下聖之和。伊尹聖之任。孔子聖之時。智巧聖力也。猶射百步外。其至爾力也。其中非爾力。窞慾如防水。懲忿如救火。無欲謂之聖。寡欲謂之賢。多欲謂之凡。縱欲謂之狂。身在天地後。心在天地前。身在萬物中。心超萬物上。民可使由之。不可使知之。遁辭不可攻。窮寇不可追。自伐者無功。自矜者不長。自炫者不彰。自是者有過。有事須從容。無事須靜默。言行要謹慎。費用要儉約。人若近賢良。譬如紙一張。以紙包蘭麝。因香而得香。人若近邪謬。譬如一枝柳。以柳串魚鱉。因臭而得臭。要知前世因。今生受者身。要知後世果。今生作者心。盛者衰之始。福者禍之基。人巧於機謀。天巧於報應。貴以賤爲本。高以下爲基。多藏必厚亡。甚愛必大費。木從繩則正。人從諫則聖。避強莫如順。修身莫如敬。栽花偏不茂。插柳自成蔭。可知人世事。多半出無心。小事卽多福。習靜能延年。多事卽結業。隨緣卽解脫。有德卽有福。無機亦無禍。順事卽處事。讓人卽勝人。心安茅屋穩。性定菜根香。

世味淡方古。人情真始長。長幼當序齒。尊卑要分明。不奪人所好。無爲人所憐。有福莫享盡。享盡則貧窮。有勢莫使盡。使盡冤相逢。福宜常自惜。勢宜常自恭。人間勢與福。有始多無終。讀書須用心。一字值千金。不受苦中苦。難爲人上人。少年不努力。老大徒傷悲。若將容易得。便作等閒看。寒門生貴子。白屋出公卿。將相本無種。男兒當自強。周公不我異。堯舜與人同。苦心天下負。有志事竟成。忍得一口氣。免去千日憂。懼法朝朝樂。欺公日日憂。滅却心頭火。剔起佛前燈。路不行不到。事不爲不成。人不勸不善。鐘不打不鳴。耕牛無宿草。倉鼠有餘糧。萬事分已定。浮生空自忙。友者友其德。不可以有挾。結有德之朋。絕無益之友。常懷克己心。法度要謹守。道高龍虎伏。德重鬼神欽。休倚時來勢。隄防時去年。廚中有剩飯。路上有飢人。饒人不是痴。過後得便宜。量小非君子。無度不丈夫。路遙知馬力。日久見人心。常存君子道。須有稱心時。有錢不善用。死後一場空。萬般都是命。半點不由人。是故知命者。不立巖牆下。在家敬父母。何須遠燒香。晴天開水道。隄防暴雨時。國政天心順。官清民自安。妻賢夫禍少。子孝父心寬。

人生不滿百。常懷千歲憂。良民安本分。廉者不枉求。積善有善報。積惡有惡報。報應有早晚。禍福自不錯。花有重開日。人無常少年。入山擒虎易。開口求人難。忠臣不怕死。怕死不忠臣。從前榮辱事。過去如夢空。滿懷心腹事。盡在不言中。既在矮簷下。怎敢不低頭。家貧知孝子。國亂識忠臣。君子防未然。不處嫌疑間。瓜田不納履。李下不整冠。男女不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世稱聖賢。乖汗瞞癡汗。癡汗還不知。乖汗轉驢馬。却被癡汗騎。自古皆有死。民無信不立。信者其辭正。疑者其辭枝。吉人之辭寡。躁人之辭多。樂道人之善。無攻人之惡。出交天下士。入讀古人書。富貴一席酒。貧漢半年糧。奢華折福壽。惜福樂安康。惡名兒難揭。好字兒難得。鳥獸無雜病。窮汗沒奇症。盼望也不來。空勞盼望懷。愁懼也須去。多了一愁懼。官怠於宦成。病加於小瘡。禍生於懈惰。孝衰於妻子。與其情勝義。不若義勝情。隨緣消舊孽。且莫造新殃。多藏者厚亡。亂用者奇窮。輕敵者必敗。登高者危顛。衙門深似海。蔽病大如天。要知心腹事。且聽口中言。愛身先愛家。愛家先愛國。

保存舊道德。發明新知識。新學宜研究。國粹須保存。天下無難事。只怕有心人。修身則道立。尊賢則不惑。教亦多術矣。學而時習之。君子立志氣。小人生閒氣。懷惠的小人。好得人便宜。懷德的君子。凡事能吃虧。爲利踧之徒。小人喻於利。爲善舜之徒。君子喻於義。明則有禮樂。幽則有鬼神。德音謂之樂。溺音謂之淫。禮節人之性。樂和人之情。禮樂均而正。民心自無爭。

格言集要卷四 六字三百四十八句

心善百事皆吉。心惡百事皆凶。利心專則背道。私意確則滅公。善爲無價之寶。忍是護身之符。忍時人皆恥笑。忍過人自愧服。忍得一番橫逆。增得一番福壽。貴以下人爲道。富以能施爲德。積財以遺子孫。子孫未必能守。積書以遺子孫。子孫未必能讀。積陰德於冥冥。爲子孫計長久。貧富由來無定。家資聚散如姻。常存救世之心。自有福壽之報。協力倡用國貨。便是富強之基。不自重者取辱。不自畏者招禍。不自滿者受益。不自是者聞博。毋毀衆人之名。以成一己之善。毋沒天下之理。以護一己之短。大著肚皮容物。立定腳根做人。安莫安於省事。

危莫危於多言。賤莫賤於多欲。貴莫貴於無求。苦莫苦於多貪。樂莫樂於知足。長莫長於好善。短莫短於爲非。明莫明於體物。暗莫暗於昧幾。靜坐常思已過。閒談莫論人非。但求不愧我心。豈能盡如人意。勤儉治家之本。和順齊家之本。節義顯家之本。忠孝傳家之本。耕讀起家之本。謹慎保家之本。至教莫如教子。至樂莫如讀書。愛之能無勞乎。忠焉能無誨乎。惡莫大於無恥。罪莫大如褻天。聖人悲時憫俗。賢人痛世疾俗。衆人混世逐俗。小人傷風敗俗。福莫福於少事。禍莫禍於多心。後其身而身先。外其身而身存。以道佐人主者。不以兵強天下。不失其所者久。死而不亡者壽。咎莫大於欲得。罪莫大於可欲。忠恕違道不遠。強恕求仁莫近。君子欲訥於言。仁者其言也認。學而不思則罔。思而不學則殆。君子敬而無失。與人恭而有禮。事君數斯辱矣。朋友數斯疏矣。見義不爲無勇。當仁不讓於師。行義以達其道。隱居以求其志。景公有馬千駟。死後民無德稱。夷齊餓死首陽。民到于今稱頌。養氣須要知言。知言方能持志。諛辭知其所蔽。淫辭知其所陷。邪辭知其所離。遁辭知其所窮。生其心害其政。發其政害其事。

規矩方員之至。聖人人倫之至。仁是人之安宅。義是人之正路。曠安宅而弗居。舍正路而不由。哀哉末世人民。造孽應刼堪愁。文王視民如傷。望道而未之見。帝舜貴爲天子。好色不足解憂。爲不順於父母。如窮人無所歸。天視自我民視。天聽自我民聽。謙卦六爻皆吉。恕字終身可行。富歲子弟多賴。凶歲子弟多暴。非天降才爾殊。陷溺其心然也。學問之道無他。求其放心而已。人有鷄犬放出。日暮尙且知求。何乃良心放棄。至死不知內收。仁是人的良心。義是人的正路。舍其路而弗由。放其心不知求。欲貴人之同心。人人有貴於己。不思反身自求。棄却家珍可惜。世人所求之貴。豈於良貴可比。趙孟雖能貴人。趙孟亦能賤之。西子如蒙不潔。人過皆掩其鼻。惡人齋戒沐浴。則可以祀上帝。人不可以無恥。無恥之恥無恥。無爲其所不爲。無欲其所不欲。好善者心忘勢。樂道者心忘物。賊仁者謂之賊。賊義者謂之殘。好善優於天下。作惡短於妻子。平素講學修德。時至自然發達。窮則獨善其身。達則兼善天下。得志澤加於民。失志修身齊家。行時時之方便。作種種之陰功。正直代天宣化。慈祥爲國救民。爲官心存君國。

讀書志在聖賢。善人則親近之。助德行於身心。惡人則遠避之。杜災殃於眉睫。見先哲於羹牆。慎獨智於衾影。垂訓以格人非。捐貲以成人美。剪碍道之荊榛。除當途之瓦石。勿謀人之財產。勿妬人之技能。勿淫人之妻女。勿峻人之爭訟。勿壞人之名利。勿破人之婚姻。或持齋而戒殺。或買物而放生。舉步常看螻蟻。禁火莫燒山林。家富提攜親戚。歲飢賑濟鄰朋。斗秤須要公平。不可輕出重入。奴僕待之寬恕。豈宜備責苛求。讀書卽未成名。究竟人品高雅。修德不期獲報。自然夢穩心安。聰明用於正路。才學益成其美。聰明用於邪路。才學適濟其奸。養心莫善寡欲。養廉莫妙無貪。自奉必須儉約。宴客切勿留連。宜未雨而綢繆。勿臨渴而掘井。奴僕勿用俊美。妻妾切忌豔妝。居身務期質樸。教子要有義方。凡事當留餘地。得意不宜再往。暴怒傷人傷己。和平容我容他。急躁多生荊棘。忍耐事後無差。事成功於敬慎。事敗績於忽慢。世有不自之事。天無不報之條。人能巧於智謀。天更巧於報應。貪於色者敗德。重於利者失義。沉於酒者減壽。好發氣者短智。功名草頭之露。富貴眼前虛花。切莫損人利己。萬勿害衆成家。

常將好事與人。禍不侵害自己。既讀孔孟之書。必達周公之禮。一馬不備雙鞍。忠臣不事二主。人無酬天之力。天有養人之恩。人有旦夕禍福。天有時刻陰晴。君子當權積福。小人仗勢欺人。人將禮樂爲先。樹將枝葉爲圓。馬有垂韁之義。狗有濕草之恩。運去黃金失色。時來鐵也爭光。怕人知道休做。要人敬重勤學。賜人不曰來取。與人不問所欲。禹聞善言則拜。子路聞過則喜。須知閨門之內。乃爲王化之原。女子正位乎內。男兒正位乎外。內言不出於閫。外言不入於閫。男女切勿戲言。戲言淫亂之媒。幼子嘗示毋誑。童子不衣裘裳。無稽之言毋聽。弗詢之謀毋庸。志如元帥指麾。氣如三軍風從。作僞心勞日拙。作德心逸日休。慢易則必傾覆。危懼故得平安。有人或來毀我。當退反求於身。若己有可毀處。則彼之言當矣。若己無可毀處。則彼之言妄矣。當則無怨於彼。妄則無害於身。喜談人家閨閣。此乃天下大惡。無稽之言妄播。甚於殺人出血。一言壞世風俗。一言損人名節。一言啓人仇怨。禍來不定時刻。自管自家門戶。休說他人妻女。第一傷天害理。好講閨門是非。學莫切於爲人。爲人須先孝弟。五刑之屬三千。

罪莫大於不孝。故要君者無上。非聖人者無法。非孝弟者無親。此乃大亂之道。惡言不出於口。忿言不反於身。願人常行好事。願天常生好人。王道彰善。瘴惡。天道福善。禍淫。犯法謂之奸民。藐法謂之頑民。聽訟吾猶人也。必也使民無訟。以身教人者從。以言教人者訟。身正不令而行。不正雖令不從。養廉莫如崇儉。致貧都是尙奢。所求於人者重。所以自任者輕。惟聖妄念作狂。惟狂克念作聖。聖人聞過則幸。賢人聞過則喜。小人聞過則文。惡人聞過則怒。不離自性是功。應用無染是德。修己清心爲要。涉世慎言爲先。修行不除貪嗔。善因而招惡果。鋤苗不剷草茅。淨田變爲荒坡。謙是萬善之本。傲是萬惡之根。使民如承大祭。出門如見大賓。亂世總病之根。人人心存權利。治世對症之藥。人人講道修德。敬者修德之基。神廟致敬之所。提倡無神學說。簡直毀滅道德。邪說倡亂之源。主敬自治之本。講學言無鬼神。豈不自相矛盾。

格言集要卷五

七字三百八十二句

爲人須要存好心 常存好心萬福臻 世上錢財無定主 終歸行善積德人

不識何等爲君子 每事肯吃虧者是 不識何等爲小人 每事占便宜者是

常存善念爲君子 常存惡念是小人 君子終落爲君子 小人枉自爲小人

家有黃金不算富 耳無好話始爲貧 錢財強覓終爲禍 產業奸謀定結冤

休恨眼前田地窄 退後一步自然寬 爲人不做虧心事 半夜叫門心不驚

不作風波於世上 自無冰炭到胸中 不孝漫燒千束紙 虧心枉熱萬爐香

神明本是正直做 不受人間枉法贓 生前枉費心千萬 死後空持手一雙

知羞恥者能改過 畏天命者不作惡 吃虧時節便宜在 貴買家私受用多

有分不求還自至 無緣空自受奔波 強梁者不得其死 好勝者必遇其敵

屈己者恆能處衆 謙和者多受其益 處世讓一步爲德 退步是進步地位

待人寬一分是福 利人實利己根基 喜時之言多失信 怒時之言多失體

臨事須替他人想 論人先將自己思 無以小嫌疏至親 無以小怨忘大恩

攻人之惡無太嚴 教人以善無過高 行善好比春園草 不見其長日日高

作惡好比磨刀石 不見其損日日消 事當快意處須轉 言當快意處須住

侈心生常念敗德	淫心生常念速死	事雖少不爲不成	子雖賢不教不明
大造若無實報應	人間何事得公平	毀譽如風無定向	原無損益於我身
好事不爲空在世	福田荒盡錯當年	人生若不行陰德	如入寶山空手回
不知足時時苦海	能安分處處逍遙	多積陰德福自至	這一般利取自天
盡力農事多收粟	這一般利取于田	善教子孫後嗣盛	這一般利取于人
酒字旁邊三毒水	色字頭上一把刀	爲人若把酒色好	定受色癆合酒癆
禍莫大計人之短	仇莫深攻人之私	辱人不堪必反辱	傷人已甚必反傷
竭忠盡孝謂之人	治國經邦謂之學	安危定變謂之才	經天緯地謂之文
露月光風謂之度	萬物一體謂之仁	操戈者務得其柄	窮理者必究其源
易長易退山溪水	易反易覆小人心	逢人且說三分話	未可全拋一片心
誰人背後無人說	那個人前不說人	捨藥材以拯疾苦	施茶湯以解渴煩
點夜燈以照人行	造河船以濟人度	勿登山而網禽鳥	勿臨水而毒魚蝦
視人之物如己物	借用愛惜須保護	見人之善如己善	同心協力去幫辦

有真才者必不矜	有實學者必不誇	儘前行者地步窄	向後看者眼界寬
用財當儉不當嗇	待人當直不當譎	能吃虧屈天加福	好占便宜天降災
事能知足心常泰	人到無求品自高	君子胸中所常體	不是人情是天理
君子口中所常道	不是人倫是世教	君子身中所常行	不是規矩是準繩
無功食祿是鼠雀	肆毒食祿是虎狼	治家則量入爲出	爲善則仗義疏財
明鏡止水以澄心	泰山喬嶽以立身	青天白日以應事	霽月光風以待人
可敬者忠臣孝子	可憐者寡婦孤兒	一念之刻卽非仁	一念之貪卽非義
一念之慢卽非禮	一念之詐卽非智	旣以爲人已愈有	旣以予人已愈多
天之道利而不害	聖人道爲而不爭	瘠土之民多向義	汚土之民多不才
富貴子弟多淫蕩	教育不嚴是禍胎	嚴親之下多令嗣	溺愛之家多敗子
毋以飲食傷脾胃	毋以床第耗元氣	毋以言語損福壽	毋爲兒孫良心昧
大事難事看担当	逆境順境看襟度	臨喜臨怒看涵養	羣行羣止看識見
勸我善者是我戚	道我過者是我師	念念猶如臨淵日	心心常似過橋時

人情似紙張張薄	世事如棋局局新	山中應有千年樹	世上難逢百歲人
平生不作皺眉事	世上應無切齒人	人情看破秋雲厚	世路經過蜀道平
將相額頭堪走馬	公侯肚裏好撐船	爽口食多偏作病	快心事過定生殃
富貴須要依本分	貧賤切莫枉思量	根深不怕風搖動	樹正何愁月影斜
萬事不由人計較	一生都是命安排	人用剛我以柔勝	人用術我以誠感
思勿邪外邪不入	毋不敬內敬常存	有子乃孔門弟子	立言時先講孝弟
其爲人也能孝弟	而好犯上者鮮矣	孝弟人不好犯上	好作亂者未有之
君子須要務根本	根本立定道德生	惟有孝弟兩端事	原是爲人的本宗
不教而殺謂之虐	不戒視成謂之暴	慢令致期謂之賊	出納之吝謂有司
獲罪於天無所禱	槃樂怠敖自求禍	持其志勿暴其氣	敏於事而慎於言
仁則榮不仁則辱	善者昌不善者殃	仁之實事親是也	義之實從兄是也
愛人者人恆愛之	敬人者人恆敬之	殺人父人殺其父	殺人兄人殺其兄
君子居易以俟命	小人行險以徼倖	君子思不出其位	聖人德樂在其中

君子深造之以道 大人不失赤子心 見其禮而知其政 聞其樂而知其德

無君子莫治野人 無野人莫養君子 徒善不足以爲政 徒法不能以自行

分人以財謂之惠 教人以善謂之忠 至誠不動未之有 不誠未有能動者

自暴不可與有言 自棄不可與有爲 言非禮義謂自暴 不由仁義謂自棄

體有貴賤有大小 無以賤小害貴大 養其小體爲小人 養其大體爲大人

長君之惡其罪小 逢君之惡其罪大 責難於君謂之忠 陳善閉邪謂之敬

俗人所求之富貴 妻妾不羞者幾希 富貴利達人所欲 不合道義求不得

共事切莫討便宜 枉討便宜竟吃虧 親朋有難當扶助 鄰舍逢災須救濟

三寸氣在千般用 一旦無常萬事休 人知利而不知害 魚見食兒不見鉤

是非只爲多開口 煩惱皆因強出頭 馬走臨崖收韁晚 船到江心補漏遲

家業有餘多行善 莫待臨死空懊悔 金風未動蟬先覺 暗算無常死不知

常將有日思無日 莫待無時思有時 善惡到頭終有報 只爭來早與來遲

勸君莫作虧心事 古往今來放過誰 長江一去無回浪 人老不能重少年

大道勸人三件事	戒酒除花莫賭錢	言多語失皆因酒	義斷親疏只爲錢
癆病瘵鬼爲貪色	閒氣常生疾病纏	有事但逢君子說	是非休聽小人言
妻賢何愁家不富	子孝何須父向前	心好家門生貴子	命好何須靠祖田
侵人田土騙人錢	榮華富貴無多年	莫道眼前無顯報	分明折在子孫邊
家私少者煩惱少	錢財多者禍患多	草怕嚴霜霜怕日	惡人只有惡人磨
良言一句三冬暖	惡語傷人六月寒	雨裏深山雪裏煙	看時容易做時難
少年休笑白頭翁	花開能有几日紅	若不與人行方便	念盡彌陀總是空
越奸越狡越貧窮	奸狡原來天不容	富貴若從奸狡得	世間呆漢吸西風
忠臣不事二君王	烈女不嫁二夫郎	小人狡滑心腸歹	君子公平托上蒼
無義錢財湯潑雪	淌來田地水堆沙	去年妄取東鄰物	今日還歸北舍家
無多言多言多敗	無多事多事多患	慎言語以養其德	節飲食以養其體
十日無菽粟身亡	十年無金珠何妨	童生進學喜不了	尙書不陞終日惱
良藥苦口利於病	忠言逆耳利於行	明心者必輕口腹	修內者不重外觀

講習討論之功荒 禮義廉恥之心喪 持己若無真道德 待人焉有大包容
見利則蠅蚋逐臭 遇害必鳥雀驚弓 莫把韶華空放過 光陰一刻值千金
綾羅則淫蕩心志 肥甘則昏濁精神 善不求福終有福 惡怕吃虧仍吃虧
孔子傳持滿之戒 古帝有敬器之箴 自晦而德益光顯 自卑而人益敬尊
處事留有餘地步 發言有無限包涵 人先疑而後邪入 木先腐而後虫生
德高不必夔龍業 品重何須班馬文 小人行險終須險 君子固窮未必窮
得意時水流花放 忘機處魚躍鳶飛 竹密何妨流水過 山高豈礙白雲飛
竹影掃堦塵不起 月光穿水浪無痕 不諂富以全人格 不欺貧以存厚德
處處肯吃虧忍耐 暗中有無限便宜 富莫富於常知足 貴莫貴於無貪求
貧莫貧於無志氣 賤莫賤於無廉恥 醉時失言醒來悔 少時不學老來悲
養心莫善於寡欲 誠意惟憑以毋欺 君子謀道不謀食 小人養口不養心
小人好色不好德 君子憂道不憂貧 能重名節如泰山 必輕生死如鴻毛
放於利而行多怨 顧其名再動寡尤 善惡原由各人作 禍福無不自己求

道聽途說德之棄 同流合污德之賊 勿以小忿敗大謀 勿以微利害公益

惡人不可與論情 佞人不可與辨理 有賢母方有賢子 無惡婦始無惡夫

富豪省減奢華費 移濟難民免凍餒 大匠之手無棄材 良醫之門無廢疾

成家之子學才德 敗家之子學穿喫

格言集要卷六 八字一百三十句

作德日休爲善最樂。聖人歛福君子考祥。造物所忌曰刻曰巧。萬類相感以忠以誠。勿倚權勢而辱善良。勿恃富豪而欺窮困。步步占先必有人擠。事事好勝必有人挫。能改過則天地不怒。能安分則鬼神無權。護體面不如重廉恥。求醫藥不如養性情。立黨羽不如昭信義。作威福不如篤志誠。惡莫大於縱己之欲。禍莫大於言人之非。謙退是保身第一法。安詳是處事第一法。涵容是待人第一法。洒脫是養心第一法。諉罪掠功此小人事。掩罪誇功此衆人事。推美讓功此君子事。分怨共過此盛德事。以忠孝遺子孫者昌。以智術遺子孫者亡。天下無不是底父母。世間最難得者兄弟。愛親者不敢惡於人。敬親者不敢慢於人。執拗福薄圓通福厚。急躁壽夭寬宏福長。

賤占田園。決生敗子。尊崇師傅。定產賢郎。今好事莫怕旁人笑。作惡事須防鬼神知。安分隨緣。是謂福地。居易俟命。是爲洞天。知足常足。終身不辱。知止常止。終身不恥。立身高一步。方超達。處世退一步。方安樂。金玉其心。芝蘭其品。仁義爲友。道德爲師。天道只是一個無我。王道只是一個愛人。莫之爲而爲者。天也。莫之致而至者。命也。男女授受不親。禮也。嫂溺援之以手。權也。下手處是自強不息。成就處是至誠無息。不可言之事。口莫說。不可行之事。心莫萌。前生既無利澤於人。今生休望福澤到己。讀未見書。如得良友。見已讀書。如逢故人。修數百年崎嶇之路。造千萬人來往之橋。善欲人見。不是真善。惡恐人知。便是大惡。刻薄成家。理無久享。偷常乖舛。立見消亡。乖僻自是。悔誤必多。顏墮自甘。家道難成。禍到休愁。也要會救。福來休喜。也要會受。塞翁失馬。焉知非福。卞和得玉。焉知非禍。收吾本心。在腔子裏。是聖賢第一等學問。盡吾本分。在素位中。是聖賢第一等工夫。老子云。無爲之謂道。莊子曰。有欲之非德。惠不在大。在乎當陋。怨不在多。在乎傷心。忿如火。不遏則燎原。慾如水。不遏則滔天。九思範其心。而心正。九容範其身。而身修。禮者。規矩準繩之則。義者。是非得失之權。

嚴密者欲自不能入。武毅者欲自不能屈。求在我者仁義禮智。求在外者富貴利達。故學者以治生爲急。治生則以節儉爲先。仙佛多在難中修果。大將每由險處立功。賢而多財則損其志。愚而多財則益其過。人有才能富貴功勞。不可恃長狂傲驕矜。勞謙君子而有終吉。天地神人益謙損盈。脫卸愈工。敗露愈巧。寵榮愈厚。恥辱愈增。處心不可著著則偏。作事不可盡盡則窮。怕事忍事自然無事。謹慎小心自然放心。行方便早晚得方便。找便宜終須落便宜。做惡人畢竟無好報。貪小利終有吃大虧。殺人人殺相酬之道。悖入悖出自作之愆。不講神道人心無良。不信仁賢則國空虛。用下敬上謂之貴貴。用上敬下謂之尊賢。無禮義則上下必亂。無政事則財用不足。徐行後長者謂之弟。疾行先長者謂不弟。嗜酒色者癆瘵殞命。寶珠玉者殃必及身。一年之計多種五穀。十年之計多種森林。百年之計廣積陰功。無量劫計皈依彌陀。知之者不如好之者。好之者不如樂之者。賢者謀國必尙仁義。智士興邦必本道德。惟仁民者始能愛物。凡虐物者必不仁民。

格言集要卷七

九字一百〇四句

言行擬之古人則德進 功名付之天命則心閒 受享慮及疾病則用儉
報應念及子孫則心平 榮利非樂忘榮利爲樂 困辱非憂取困辱爲憂
從流下而忘反謂之流 從流上而忘反謂之連 從禽獸而無厭謂之荒
樂酒肉而無厭謂之亡 以嚴父之教子者教士 以處女之自愛者愛身
要足何時足知足便足 求閒不得閒偷閒卽閒 以積貨財之心積學問
以求功名之心求道德 以愛妻子之心愛父母 以保爵位之心保國家
欲見賢人而不以其道 猶欲其入以閉之門也 文藝自多浮薄之心也
富貴自雄卑陋之見也 謙和之意多漸成君子 忿嫉之意勝終屬小人
世事讓三分天空地闊 心田培一點子種孫耕 情境難當處惟忍是藥
逸樂難制處惟節乃佳 對失意人不談得意事 處得意日莫忘失意時
損人利己難免天降禍 害衆成家富貴不久長 以耐事了天下之多事
以無心息天下之爭心 宇宙內事乃已分內事 已分內事乃宇宙內事
不順乎親不可以爲子 不得乎親不可以爲人 入人私室勿側目旁視

見人背語勿傾耳竊聽 天地不可一日無和氣 人生不可一日無喜神
儉則約約則百事俱興 侈則肆肆則百事俱縱 心術不可得罪於天地
言行要留好樣與兒孫 處世戒多言言多必失 居家戒爭訟訟則終凶
勿恃勢力而凌逼孤寡 勿貪口腹而恣殺性禽 婢美妾嬌非閨房之福
三姑六婆實淫盜之媒 見貧苦親鄰須多溫恤 與肩挑貿易勿沾便宜
兄弟叔姪須分多潤寡 長幼內外宜法肅辭嚴 嫁女擇佳壻勿索重聘
娶媳求淑女勿計厚奩 施棺槨免尸骸之暴露 捨衣食周道路之飢寒
責人之甘爲庸愚則怒 教人之學爲聖賢則驚 體懈神昏未可以更新
志輕氣浮未可以圖成 達理者故樂天而不競 內充者故退讓而不驚
心之光明不欺於屋漏 事之正大不愧於妻子 剛則常伸於萬物之上
慾則常屈於萬物之下 徇欲溺情則萬鍾可受 矯情干譽則千乘可輕
聞謗而怒如春蠶自縛 受辱不怨如把火燒空 穿窬之盜色厲而內荏
鄉愿之賊同流而合污 求不可得之利則取禍 務不當受之名則取辱

未有仁而遺其親者也 未有義而後其君者也 不仁者不可以久處約

不仁者不可以常處樂 君子固窮小人窮斯濫 仁者不富不仁富而驕

子曰侍於君子有三愆 言未及之而言謂之躁 言及之而不言謂之隱

未見顏色而言謂之瞽 禮云禮云玉帛云乎哉 樂云樂云鐘鼓云乎哉

君子有勇而無義爲亂 小人有勇而無義爲盜 古之爲關也將以禦暴

今之爲關也將以爲暴 周于利者凶年不能殺 周于德者邪世不能亂

上好禮則民莫敢不敬 上好義則民莫敢不服 上好信則民莫敢不情

上好仁則民莫敢不親 能以禮讓爲國乎何有 苟以孝弟齊家也最易

事親孝故忠可移於君 事兄悌故順可移於長

格言集要卷八 十字一百七十四句

子孫雖愚經書不可不讀 祖宗雖遠祭祀不可不誠 一粥一飯當思來處不易

半絲半縷恆念物力維艱 器具質而潔瓦缶勝金玉 飲食約而精園蔬愈珍饈

見色而起淫心報在妻女 匿怨而用暗箭禍延子孫 重貲財薄父母不成人子

聽婦言乖骨肉豈是丈夫
以責人之心責己則寡過
天欲福人先以微禍儆之
度量要宏熟讀五經諸史
勿忘勿助爲學當如流水
喜聞人短不若喜聞己短
勿因小利使人父子不睦
一生牽惹之勞總因好事
不可不存時時可死之心
謂鬼神之無知不應祈福
力可行善而不行卽是惡
讀書不見聖賢爲鉛槧備
一星之火能燒萬頃之田

人之侮我能防不如能化
以恕己之心恕人則全交
不體物情一生俱成夢境
眼界要闊徧歷名山大川
本無事而生事是謂薄福
樂道已長何若樂道人長
經一番挫折長一番識見
四海和平之福只是隨緣
理欲交爭肺腑竟成吳越
謂鬼神之有知不當爲非
義利不明事業總歸烏有
講學不究躬行爲口頭禪
善爲至寶一生用之不盡

人之謗我能辨不如能容
天欲禍人先以微福驕之
不近人情舉步盡是危機
何思何慮居心當如止水
強不知以爲知此乃大愚
勿爲私仇使人兄弟不和
容一番橫逆增一番器量
不可不行步步求生之路
物我一體參商終是弟兄
勢可爲惡而不爲卽是善
驕矜未去學問也是徒然
半句非言折盡平生之福
心作良田百世耕之有餘

非讀書不能入聖賢之域

非積德不能生聰明之兒

吃些虧忍些氣安身大寶

忘得情制得愛立命真符

人人道好須防一人着惱

事事有功須省一事不終

日食三殮每念農夫之苦

身披一縷常思織女之勞

謙和則人愛之何須獻媚

公正則人畏之不必立威

居官不愛百姓爲衣冠盜

立業不思種德爲眼前花

風斜雨驟時要立得脚定

花濃柳豔處要看得眼高

兄弟爭財父遺不盡不止

妻妾爭寵夫命不死不休

事親不可逆逆則謂不孝

教子不可順順則謂失教

講學時習無一時之不勉

修德日新無一日之可停

唇齒之傷甚於猛獸之害

刀筆之烈慘於酷吏之刑

你看人家婦女口裏叫好

人家看你婦女心裏着惱

老來疾病都是壯時落的

衰後冤孽都是盛時作的

日與小人處則流與污下

日與君子處則進與高明

君子被人責懲抱愧抱慚

小人被人責懲懷仇懷怨

天道極是分明只嫌性慢

鬼神極能窺測那怕機深

古者言之不出恥躬不逮

君子亦恥其言而過其行

君子不可小知而可大受

小人不可大受而可小知

迷時一針一線都成罣碍

悟來萬事萬物盡屬虛空

七寶佈施不如四句偈等

千日行善不如一日得仁 喪身喪財喪名莫如淫惡 求福求壽求貴最好孝親
能勤儉者可望將來富貴 好奢華者須防他日貧窮 作惡想到報應自然不敢
吃虧看在兒孫却也無妨 愚不可賤愚而多慾可賤 貧不足羞貧而無志可羞
萬種強圖爭似隨緣節儉 千般巧計不如本分爲人 中人以上方可以語上也
中人以下不可以語上也 智者樂水智者動智者樂 仁者樂山仁者靜仁者壽
可以取可以無取取傷廉 可以與可以無與與傷惠 天下有道則政不在大夫
天下有道則庶人而不議 事君人以事是君爲容悅 社稷臣以安社稷爲心悅
天民者達則可以行天下 大人者正己而物自然化 民爲貴社稷次之君爲輕
勤可富節用上之儉尤重 仁言不如仁聲之入人深 善政不如善教之得其民
善政民畏之善教民愛之 善政得民財善教得民心 聖賢到處山川爲之生色
男女節孝家門分外增光 創業垂統必忠厚開其基 亡國敗家皆凶殘兆其禍
蓋聞世間至重者是生命 須知天下最慘者是殺傷 逢擒則奔蟻虱猶知避死
將雨而徙螻蟻尙且貪生 何乃網山罟淵多方掩取 無故銃禽獵獸百計搜羅

使其胆落魄飛母離子散
何異人被匪迫東奔西馳
憐兒鹿舐瘡痕柔腸寸斷
畏死猿望弓影悲淚雙垂
食他肉補己身心將安忍
恃我強凌彼弱理恐非宜
解網著於成湯古聖博愛
畜魚興于子產先賢行仁
屈師縱理元村壽增一紀
隋侯濟蛇齊野珠報千金
拯已溺蠅酒匠死刑已免
捨將烹龜廚婢篤疾立瘳
信老免愚民牲祥符甘雨
曹溪守獵人網道播神州
只這色身誰信身為苦本
盡貪世樂不識樂是苦因
業海茫茫首惡無如色慾
塵寰擾擾易犯惟有邪淫
蓋世英雄坐此亡身喪國
一朝名士因茲敗節墮名
當悲當憾之行反爲得計
衆惡衆賤之事恬不知羞
逢麗色於閨簾腸迴百折
遇嬌姿於道左目注千翻
豈知天地難容神人共怒
總是心爲形役性被識牽
美人一旦失身懊恨千古
惡名百世難改遺臭萬年
壞人清節他年妻女酬報
污彼聲名異日子孫償還
妓女祖宗盡是貪花浪子
絕嗣墳墓多半輕狂少年
身應貴者金榜除名則賤
命該富者玉樓削籍貧寒
地獄餓鬼畜生歿墮三途
笞杖徒流大辟生遭五刑
昔日種種風流而今何在
從前美滿恩愛到此成空
餓鬼道中難聽聲歌好好

森羅殿上可曾名喚卿卿 普勸黃卷名流青年佳士 速發覺悟之心破色魔陣
美貌紅粧不過蒙衣漏網 芙蓉白面須知帶肉罽毼 總對如花如玉美貌婦女
常存若姊若妹清潔念頭 未犯邪淫者須先防失足 曾行惡事者務要早回頭

格言集要卷九 十一字九十六句

古今來多少世家無非積德。天地間第一人品還是讀書。私念滿腔而欲求福應者悖。
荊棘徧野而望收嘉禾者愚。以流水聽絃歌則性靈何害。以鮮花視美色則孽障自消。
醜態對業鏡怎當秋波一轉。熱腸抱銅婦願否春燕雙飛。孝若曾子參方能當一字可。
才如周公且容不得半點驕。急行緩行前途只有許多路。順取逆取命中不過這些財。
慾不除似蛾撲燈焚身乃止。貪不了如腥嗜酒鞭血方休。富貴家不肯從寬必遭橫禍。
聰明人不肯學厚必歿天年。照管皮毛與性靈有何關涉。精工言語與行事毫不相干。
愛人敬人便是操心之要路。怨我謗我無非助我之良緣。盛滿之功常敗於細微之事。
酷烈之禍多起於玩忽之人。留有餘不盡之巧以還造化。留有餘不盡之福以蔭子孫。
孝勿辭勞轉眼便爲人父母。善勿望報回頭但看爾兒孫。冤仇莫結路逢險時難迴避。

恩義廣施人生何處不相逢。佛祖無奇但作陰功莫作孽。神仙有法只生歡喜不生愁。古之君子病其無能也學之。今之君子恥其無能也諱之。見富貴而生諂容者最可恥。遇貧賤而作驕態者賤莫甚。貧賤是苦境能善處者自樂。富貴是樂境不善處者更苦。士大夫愛錢書香化爲銅臭。親兄弟析箸璧合翻作瓜分。不自反者一生病症看。出不耐煩者一件事業做不成。世事不了如落葉隨掃隨有。人心不了如春草旋拔旋生。於天理汲汲者於人欲必淡。於私事耽耽者於公務必疏。病危烏獲雖童子執挺可撻。臭腐王嬙惟狐狸鑽穴相窺。小戶成大家只是從樸能儉。大家成小戶都因越分好奢。言人過於小人之前則有禍。言人過於君子之前則無益。做個好人身靜心安夢魂穩。行些善事天喜人敬鬼神欽。善牧豎比惡官僚高尙百倍。臭魚肉比鮮園蔬卑污十分。是集義所生不淫不移不屈。故至誠無息其仁其淵其天。接物如鏡花水月似有似無。應事如流水行雲悠然自然。天來大功禁不得一句自稱。海樣深罪禁不得兩膝下跪。語言愷惻長得人多少善念。語言正大消得人多少邪心。語言渾厚養得人多少和氣。語言獎勵成得人多少德行。空言無實行終歸清談誤國。立法背信用竟敢白日欺人。

白日欺人難免衾影之愧。紅顏失志空貽白首之傷。悲身世多險途務須急求安宅。光陰似過客切莫汨沒主翁。鏡以照面鏡明則塵污不染。智以照心智明則邪惡不生。至理無言假文言以明其旨。旨宗非觀藉修觀以會其宗。以度量容人乃集福之要術。以言語譏人乃取禍之大端。見利讓三分退步卽是進步。好事做幾件散財仍是聚財。如何叫做功與人有益而已。如何叫做德問心無愧而已。人心之所同然者理也。義也。人情之所不同者私也。欲也。好善優於天下而况魯國乎。作惡短於妻子豈只鄉鄰也。恃佞口之技者不重其信也。爲機變之巧者無所用心焉。以佚道使民雖勞不怨。使者以生道殺民雖死不怨。殺者。小人之使爲國家災害並至。雖有其善者亦無如之何矣。三代之得天下也以其能仁。三代之失天下也以其不仁。苟正其身矣於從政乎何有。不能正其身於正人乎何能。死不必憂死有餘辜則堪憂。生不足榮生有盛德方爲榮。

格言集要卷十 十二字共七十二句

聽其言必觀其行是取人之道

師其言不問其行是取善之方

事有機緣不先不後剛剛湊巧

命若踢蹬走來走去步步踏空

處事不可任己見要悉事之理

處人不可任己意要悉人之情

淫書淫畫淫戲作者定遭惡報

淫書淫畫淫戲害盡天下蒼生

飽肥甘衣輕煖不知節者折福

廣積聚驕富貴不知止者殺身

聽說好話漫不經心必多暴棄

見個非人欣然悅目終少良修

逃世不逃名如羶存而蠅仍集

了心卽了事似根拔而草不生

在古人之後議古人之失則易

處古人之位爲古人之事則難

古之學者得一善言實行於身

今之學者得一善言務以悅人

想自己身心到後日置之何地

顧本來面目在古時像個甚人

花繁柳密處撥得開方見手段

風狂雨驟時立得定纔是脚跟

阿諛取容男子恥爲妾婦之道

本真不鑿大人不失赤子之心

天薄我以福吾厚吾德以迓之

天勞我以形吾逸吾心以補之

天厄我以遇吾享吾道以通之

天苦我以境吾樂吾神以暢之

剛用於善爲嚴肅能克己之私

剛用於惡爲強梁必害人之公

柔用於正爲慈善能濟人之急
舍其長而取其短世上無君子
故好而知其惡惡而須知其美
以貴下賤卑禮以進經綸之材
靡靡者日頹隆棟可以支廣廈
君子論是否就事了事故事少
人之所不學而能者其良能也
夫孩提之童無不知愛其親也
不愛其親而愛他人謂之悖德
始吾與人也聽其言而信其行
法語之言能無從乎改之爲貴
天不言以行與事示之而已矣
動容周旋中禮者盛德之至也

柔用於邪爲淫慾必奪人之好
舍其短而取其長天下無小人
極惡不無小善大過亦有小功
以虛受人遜志以資道德之益
滔滔者日下砥柱可以迴狂瀾
小人論利害無事生事故事多
人之所不慮而知者其良知也
及至其長也無不知敬其兄也
不敬其親而敬他人謂之悖禮
今吾與人也聽其言而觀其行
巽語之言能無悅乎繹之爲貴
地無爲以生其物示之而已矣
常言素行合義者大道之得矣

不由其道而貴者猶穴牆之類

不由其道而富者是齊人之流

禹思天下有溺者猶己溺之也

稷思天下有飢者由己飢之也

廉恥二字乃吾人生第一名譽

名譽二字乃吾人生第二命根

枉殺人物者是易刀兵而相殺

橫取人財者水火盜賊以當之

爲子孫作富貴計者十敗其九

爲人世行善方便者其後必昌

明白父母教訓兒女讀書學禮

糊塗父母寵慣兒女浪穿浪吃

閒看撲紙蠅笑痴人自生孽障

靜觀競巢鳥歎傑士空逞英雄

不仁者總家累千金猶是吃丐

不義者總壽活百歲無非偷生

格言集要卷十一 十三字至十六字〇十三字五十二句

要好兒孫須方寸中存天良一點

欲成家業宜凡事上吃虧屈三分

值苦境反覺得安方爲曠達之士

當樂境而不能享畢竟薄福之人

爲人若肯學好羞甚麼担柴賣草

爲人若不學好誇甚麼尙書閣老

移作無益之費而作有益則事舉

移樂宴樂之時以樂講習則智長

邀千百人之歡不如釋一人之怨
強中自有強中手要看當場結局
事有益於身心者則奮迅以行之
世間財得之難用之易宜勤宜儉
能媚我者必能害我宜加意防之
貪了世味的滋益必招性分的損
利心正熾時一想到死味如嚼蠟
刻薄人聞人善則疑聞人惡則信
心地上無波濤隨在皆水流花放
享用常看不如我者則怨尤自息
人之侮我也與其能防不如能化
以古事証今言我有據而人易信
編造淫辭者用心狠多作孽甚大

希千百事之榮不如免一事之醜
今日不知明日事何須過分營求
物有害於身心者則果決以絕之
怒時言發之速悔之遲再忍再思
肯規予者必能助予宜傾心聽之
討了人事的便宜必吃天道的虧
慾心正熾時一念著病興似寒灰
忠厚人聞人善則樂聞人惡則悲
性夫中有化育觸處見魚躍鳶飛
品行常看勝如我者則愧恥自增
人之謗我也與其能辨不如能容
以淺言道俗事辭不費而人易從
印賣小說者獲利有限貽害無窮

西晉清淡適足長浮白虛憍之習
其量若江河澄之不清撓之不濁
得道者多助多助之至天下順之
天下有道則禮樂征伐自天子出
去仁義懷利以相接者未有不亡
有德者必有言有言者不必有德
鳴鳴而起孳孳爲善者舜之徒也
學問之道無他求其放心而已矣
黎明卽起洒掃庭除要內外整潔

十四字 四十六句

舜帝無爲而治只恭己正南面而已
人皆有所不忍達之於其所忍仁也
見其善而不能舉舉而不能先命也

東漢名節可以勵畏習退縮之風
其操若松柏春不見秀冬不見彫
失道者寡助寡助之至親戚畔之
天下無道則禮樂征伐自諸侯出
去利懷仁義以相接者未有不昌
有仁者必有勇有勇者不必有仁
鷄鳴而起孳孳爲利者蹠之徒也
參禪之道有訣放下諸緣而已矣
既昏便息關鎖門戶必親自檢點

禹王有作而成三過其門不入而已
人皆有所不爲達之於其所爲義也
見不善而不能退退而不能遠過也

樂民之樂者民以樂其樂樂亦天下
憂民之憂者民以憂其憂憂亦天下
公輸子之巧不以規矩不能成方圓
堯舜之道不以仁政不能平治天下
處世讓一步爲高退步卽進步張本
待入寬一分是福利人實利已根基
論人之非當原其心不可徒泥其迹
取人之善當據其迹不可深究其心
巧言者習善柔之辭而工逢迎之計
令色者爲阿媚之態而無羞惡之心
敗後或反成功故拂心處莫便放手
恩裏由來生害故快意時須早回頭
充一個公己公人心便是吳越一家
任一一個自私自利心便是父子仇讎
飾厚貌以欺人面前恐有照胆之鏡
倚高才而玩世背後須防射影之虫
遇難化之人常誠以待之誠能動物
遇難處之事當虛以應之虛能生明
龍吟虎嘯鳳翥鸞翔大丈夫之氣象
蠶繭蛛絲蟻封蚓結兒女子之經營
天下無不可化之人但恐誠心未至
天下無不可爲之事只怕立志不堅
脚根站定如磐石砥柱而不可動搖
眼界放寬如黃鶴高舉見天地之圓
處家制事遭一番魔障長一番練達
御人接物容一番橫逆增一番器量

損人利己這樣得來必定那般失去 刻己濟人明中捨去自然暗裏還來
告以義欣然色喜者善心之所發也 責以正赧然色慚者恥心之所動也
雲烟影裏見真身始悟形骸爲桎梏 禽鳥聲中聞至性方知情識是戈矛
乾剛者卽天陽之德則不爲物欲屈 坤柔者卽地陰之德則和順而無爭
敬者修德之基也君子修德以獲福 神者致敬之所也小人侮神自取愆
吃了人世的虧屈天必補之以福慶 討得人世的便宜天暗罰之以禍殃
楚書曰楚國無以爲寶惟善以爲寶 勇犯曰亡人無以爲寶仁親以爲寶

十五字 十八句

做官乃造福之地而人以爲享福之地 讀書爲身上之用而人以爲紙上之用
志於仁充其惻隱之心可以仁育萬物 志於義充其羞惡之心可以義正萬民
浮躁淺率褊窄迫促德不足才亦不足 沉重寬厚廣大從容德有餘福亦有餘
百世之下非古之道者古聖之罪人也 生今之世反古之道者今聖之罪人也
遇小事敬謹便是戰兢將來上達有望 見小物愛惜便是撙節將來後福無窮

動處念想預從靜裏密操持非心自息 忙處事爲常向閒中先檢點過舉自稀
千江月總是一輪月光心珠宜當自覓 一勺水便具四海水味世法不必盡嘗
游魚死於芳綸故有美嗜者必有美毒 飛蛾死於明火故有奇智者必有奇殃
無功之祿不可受若安受之必招人妬 非分之財不可取若強取之必有天災

十六字二十句

因事相爭安知非我之不是宜平心暗想 輕聽流言安知非人之譖訴當忍耐三思
身體膚髮受之父母不敢毀傷孝之始也 立身行道揚名後世以顯父母孝之終也
人不盡死於安樂而安樂之可死者多矣 人不盡生於憂患而憂患之可生者多矣
狃偏見以論古今之理見於此未見於彼 挾小智以談天下之事知其一不知其二
神去離身者死何以知神去念動神卽去 神來入身者生何以知神來念止神卽來
正直君子甯捨生以取義無貪生以傷義 志士仁人無求生以害仁有殺身以成仁
君子所性大行不加窮居不損分定故也 小人徇物得之則喜失之則憂自私故也
人能充無欲害人之心而仁不可勝用也 人能充無欲穿窬之心而義不可勝用也

士志於道而恥惡衣惡食者未足與議也 發心學佛而好美色美聲者豈可同參乎
爲政以德譬如北辰居其所而衆星共之 治國以道好比機關當其要而諸器從之

格言集要卷十二 十七字至二十六字○十七字十八句

勿謂一念可欺也須知有天地鬼神之鑒察

勿謂一言可輕也須知有前後左右之竊聽

勿謂一事可忽也須知有身家性命之關係

勿謂一時可遲也須知有子孫禍福之報應

凡一事而關人終身總確見實聞不可著口

凡一語而傷我長厚雖閒談酒誑慎勿形言

既知復言竟未躬行空談妙理無補於實事

建章立憲仍背信用老奸巨滑昧良以欺人

浮躁者不可以窮理無沉毅之氣以入之也

委靡者不可以任事無奮發之氣以出之也

吃苦是良圖費苦功用苦心苦境終歸樂境
偷閒非善策管閒事說閒話閒人卽是廢人
身不宜忙而忙於閒暇之時亦可警惕惰志
心不可放而放於收攝之後亦可鼓動天機
循理而公於天下者聖人之所以盡其性也
縱欲而私於一己者衆人之所以滅其天也
君子之於天下也無適也無莫也義之與比
仁人之於世事也有好焉有惡焉禮之是從

十八字十六句

攜傾國以待殂淫者不敢然死色者何須傾國
受連城而代死貪者不爲然死利者何須連城
遇事只一味鎮定從容雖紛如亂絲終當就緒
待人無半點矯僞欺詐縱狡如山兔亦自獻誠

平旦之氣良心自存當保養於萌蘖發生之際
赤子之心大人不失惟擴充其純一無偽之天
暗室屋漏之隱凝一而不雜以私况其顯者乎
夫婦居室之近整齊而不參以妄况其遠者乎
雷電風雨參錯交動於下而太虛之本體自若
萬事萬變紛紜攪擾於外而吾心之本體自如
富與貴是人之所以欲也不以其道得之不處也
貧與賤是人之所以惡也不以其道得之不去也
子服堯之服誦堯之言行堯之行是堯而已矣
子服桀之服誦桀之言行桀之行是桀而已矣
附之以韓魏之家如其自視欲然則過人遠矣
當着那顛沛之際如其自處坦然則爲人高也

事有急之不自者緩之或自明毋急躁以速其戾
人有操之不從者縱之或自化毋操切以益其頑
自高者常多必抑其輕世傲物之心而多者哀之
下人者常寡必增其謙卑遜順之意而寡者益之
可與言而不與之言失人智者不失言亦不失人
不可與言而與之言失言愚者常失人亦常失言
口腹爲飢渴所害故於飲食不暇擇而失其正味
人心爲貧賤所害故於富貴不暇擇而失其正理

二十字十句

求則得之舍則失之是求有益於得也求在我者也
求之有道得之有命是求無益於得也求在外者也
上智者雖爲生前謀預作身後計修德立功斯世上
下愚人只顧當時樂不管他日苦恣情縱慾酒色中

聖人以心化境心殺境則爲聖心能轉物故超生死
凡人以境移心境殺心則爲凡心隨物轉故入輪迴
風雲電霧天所不能無而不可謂風雲電霧之謂天
喜怒哀樂心所不能無而不可謂喜怒哀樂之謂心
不仁者可與言哉安其危而利其災樂其所以亡者
不義者可與爲乎榮其辱而親其疏好其所以敗者

二十一 字十句

立業建功事事要從實處著脚若稍慕虛名便成僞果
講道修德念念要從虛處立基若稍計功效便落俗塵
昨日之非不可留留之則根在復萌而小過轉爲大罪
今日之是不可執執之則渣滓未化而理趣反成欲根
好名之人能讓千乘之國苟非其人簞食豆羹見於色
重利之徒不吃一錢之虧若是角訟傾家敗產隱其聲

事理由人言而悟者有悟還有迷總不如自悟之了了
意興由外境而得者有得仍有失總不如自得之休休
入其疆土地闢田野治養老尊賢俊傑在位則國必興
入其疆土地荒田野蕪遺老失賢捨克在位則國必亡

二十二字 十二句

夫君子所過者化所存者神上下與天地同流豈曰小補
若小人所至者敗所思者壞內外與世俗合汚名曰大蠹
今之所謂良臣古之所謂民賊者何也助紂爲虐殺其民
古之所稱善士今之所稱福星者何也引君當道志於仁
待文王而後興者凡民也若夫豪傑之士雖無文王猶興
被官刑而後戒者頑民也若夫循良之人不待官刑先戒
克己者自全其心而無疚於內故能仰不愧天俯不忤人
正己者自盡其道而無求於人故能上不怨天下不尤人

宣言佈言作事反言對大庭廣衆間說謊何乃無恥無信
立法行法躬自犯法於青天白日下欺人實屬大惡大奸
孔子曰操則存舍則亡出入無時莫知其鄉惟心之謂與
孟子曰一日暴十日寒旦旦而伐夜氣不存失心之謂與

二十三字十句

酬事若流水然豈難行乎人心自擾也虛心而應之無疑事
夫道若大路然豈難知哉人病不求耳誠心而求之有餘師
世界之惡人心無忌憚行無廉恥凡事但會任性恣情縱慾
天下之善士既凜三畏復慄四知臨事只知誠意正心修身
指不若人則知惡之心不若人則不知惡此之謂不知類也
兒女累我則反愛之父母生我則反不愛此之謂天良昧也
心意之官則能思思則得之不爲物轉先立大則小不能奪
耳目之官不能思而蔽於物物交其物則引之常染迷塵汚

智者無不知也當務之爲急堯舜之智而不徧物急先物也
仁者無不愛也親賢之爲務堯舜之仁不徧愛人急親賢也

二十四字 八句

主持世界生無倫紀死無魂靈事無因果報應此乃大亂之道
發明乾坤明有禮樂幽有鬼神天道福善禍淫方爲常治之經
生亦我所欲所欲有甚於生者立節守義乎故生不爲苟得也
死亦我所惡所惡有甚於死者污名辱身乎故患有所不避也
人事事如使入之所欲莫甚於生則凡可以得生者何不用也
人情中如使入之所惡莫甚於死則凡可以辟患者何不爲也
惟仁者惟能以大事小以大事小者樂天者也樂天者保天下
惟智者惟能以小事大以小事大者畏天者也畏天者保其國

二十五字 八句

君子積德德能潤身亦能榮身故大德者位祿名壽不求而自至

小人積財財能養身亦能害身故多財者憂患恐懼欲去而不能形有死生性無死生明其性則神靈因之而不昧神全而形自化氣有聚散理無聚散得其理則浩氣與之而俱存修性命在其中癡愚人之事多由內生偏會因事生事事來應之以私故有雜念高明人之事多從外來且能就事了事事來應之以理故無關心人眼至尖儘你如何彌縫那彌縫處忽爾早落其眼哄騙他不得天機至巧儘你如何算計那算計處恰爾曲投其機躲避他不得

二十六字 六句

五穀者種之美者也苟爲不熟不如莢稗夫仁亦在乎熟之而已矣欲貴者人之同心也趙孟能貴趙孟能賤人人有貴於己者弗思耳古之人得其人爵仍修天爵既重天爵必輕其人爵道學之進者也今之人修其天爵以要人爵既得人爵而棄其天爵則惑之甚者也這聲色貨利飲食乃人生之大欲也遏欲者爲聖賢縱欲者爲狂物

那忠孝節義廉恥乃人世之懿行也躬行者爲君子無行者爲小人

宏場佛
化之唯
一刊物

佛學半月刊

月出兩冊
全年連郵
實價五角

本刊自發行以來，屈指三年；銷行全國，聲譽萬；主編之士，多佛學鉅子。實為全國佛學刊物內容最佳，銷行最廣者。舉其優點，約有數端：

- 一 論說欄 以淺顯通俗文字，闡精深微妙學理；使初機學人，能讀能解。
- 二 消息欄 採集全國重要佛教新聞，逐期登載，俾各界人士，明了全國佛教情形。
- 三 出版欄 將各處新出佛書，介紹讀者，俾便採購。
- 四 佛學答問欄 讀者函問佛學疑難，由范古農老居士逐件詳答。
- 五 醫藥顧問欄 各界函問疑難病症，由名醫丁福保老居士負責代答，並指示應服何藥，及如何調養方法。

- 其詳細目，不及備述。故定閱本刊有下列之利益：
- 1 可以增進佛學知識
 - 2 可以明了佛教情形
 - 3 可以明出散界情形
 - 4 可以增進醫學知識
 - 5 解決各種疑難病症
- 夫諸佛說法，原為醫治衆生心身二病！本刊宗旨，即在於斯。倘承 惠購，無任歡迎！

發行所 上海膠州路新門牌念號 佛學書局及各分局或代理處



格 言 集 要

全 一 冊

中華民國二十二年十二月初版

◎每冊定價大洋一角

(外埠酌加郵匯費)

編 集 者 趙 九 陽 居 士

出 版 者 佛 學 書 局 代 沈 彬 翰

印 刷 者 上 海 佛 學 書 局

發 行 處 佛 學 書 局

上海膠州路恩園路 上海麥特赫司脫路

上海開北新民路中 上海四馬路望平街

長沙玉泉街七十號 香港和興西街二二號

仰光南勃陀一八三號 新嘉坡丹絨巴葛

分 銷 處 各 埠 佛 學 書 局
佛 經 流 通 處

1